

ქ. თბილისი

31 დეკემბერი, 2018 წელი

1. ხელშეკრულების დამდები მხარეები

ერთის მხრივ ა(ა)იპ „სოფლის მეურნეობის პროექტების მართვის სააგენტო“, (შემდგომში „შემსყიდველი“) წარმოდგენილი დირექტორის მოადგილის არჩილ ბუკიას სახით და მეორეს მხრივ შპს „ვოშ-გრუპი“ (შემდგომში „მიმწოდებელი“), წარმოდგენილი დირექტორის მიხეილ ღონდაძის სახით, საქართველოში მოქმედი კანონმდებლობის შესაბამისად ვაფორმებთ წინამდებარე ხელშეკრულებას (შემდგომში „ხელშეკრულება“) შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია - შემსყიდველის ბალანსზე რიცხული ავტომანქანების რეცხვითი და ქიმიური წმენდის მომსახურების შესყიდვა (შემდგომში „მომსახურება“), რაც მოცემულია მომსახურების ხარჯთაღრიცხვაში, რაც დანართის სახით თან ერთვის ხელშეკრულებას და წარმოადგენს მის განუყოფელ ნაწილს.
- 2.2 შესყიდვის საშუალება - ელექტრონული ტენდერი.
- 2.3 ელექტრონული ტენდერის განცხადების ნომერი NSPA180009445.
- 2.4 ხელშეკრულების საერთო ღირებულება შეადგენს 10340 (ათი ათას სამას ორმოცი) ლარს, საქართველოს კანონმდებლობით გათვალისწინებული ყველა გადასახადის ჩათვლით.
- 2.5 კლასიფიკატორის კოდი - 50112300.
- 2.6 ხელშეკრულება ძალაშია ზემოთ მითითებული თარიღიდან 2020 წლის 31 იანვრამდე.
- 2.7 ხელშეკრულების მოქმედების ვადის დასრულება არ ათავისუფლებს მხარეებს ხელშეკრულების მოქმედების პერიოდში ნაკისრი ვალდებულებების სრული და ჯეროვანი შესრულებისგან.

3. მომსახურების გაწევის პირობები

- 3.1 მომსახურება უნდა განხორციელდეს 2019 წლის 1 იანვრიდან 2019 წლის 31 დეკემბრის ჩათვლით, ეტაპობრივად.
- 3.2 მომსახურების გაწევა უნდა განხორციელდეს მიმწოდებლის მიერ საკუთარი ხარჯით დამზადებული შესაბამისი მომსახურების დამადასტურებელი საბუთის (ტალონი) მეშვეობით. ტალონების მიწოდება უნდა მოხდეს ეტაპობრივად, შემსყიდველის მიერ ყოველი კონკრეტული რაოდენობის მოთხოვნიდან არაუგვიანეს 3 (სამი) კალენდარული დღის ვადაში.
- 3.3 რეცხვის/ქიმიური წმენდის ტალონი უნდა შეიცავდეს მინიმუმ შემდეგ ინფორმაციას: ა) მიმწოდებლის დასახელება; ბ) ტალონის იდენტიფიცირების ნომერი; გ) ავტომანქანის სახეობა (ტიპი) და სახელმწიფო ნომერი. ტალონის მოქმედების ვადა არ უნდა იყოს შეზღუდული.
- 3.4 ავტომანქანების ჩამონათვალი შესაბამისი სახელმწიფო ნომრებით, თითოეულ ავტომანქანაზე რეცხვის და ქიმიური წმენდის ჯერადობის შესახებ ინფორმაცია მიმწოდებელს გადაეცემა ხელშეკრულების გაფორმების შემდეგ, ყოველთვიურად (პირველი ინფორმაციის მიწოდება შემსყიდველის მიერ განხორციელდება ხელშეკრულების გაფორმებისთანავე).
- 3.5 ავტომანქანების რეცხვითი და ქიმიური წმენდის მომსახურების გაწევის დაწყება უნდა მოხდეს მიმწოდებლის სარგებლობაში არსებულ ავტოსამრეცხაოში, მისამართზე ქ. თბილისი, კოსმონავტების სანაპირო N79 (ყოველდღიური გრაფიკით 09:00 საათიდან არანაკლებ 20:00 საათამდე), შემსყიდველის თანამშრომლების მიერ ავტომანქანის მიყვანიდან და შესაბამისი ტალონის წარდგენიდან არაუგვიანეს 30 წუთის განმავლობაში. ამასთან, შემსყიდველის მოთხოვნის შემთხვევაში მიმწოდებელმა უნდა უზრუნველყოს სატელეფონო კონტაქტის საშუალებით შემსყიდველისათვის ინფორმაციის მიწოდება თავისუფალი სამრეცხაო ბოქსის შესახებ, რათა არ მოხდეს შემსყიდველის ავტომანქანის დაყოვნება ადგილზე მისვლისას.

- 3.6 მიმწოდებელმა უნდა უზრუნველყოს სატრანსპორტო საშუალებების გარეგანი რეცხვა უკონტაქტო რეცხვისათვის საჭირო მაღალი წნევის სარეცხი აპარატურით და ასევე შიდა (სალონის, საბარგული) ნაწილის რეცხვა ხელით. რეცხვა უნდა წარმოებდეს მაღალი ხარისხის სარეცხი და საწმენდი სპეციალური საშუალებებისა (ქაფი, გელი, სპეციალური სითხეები, საბურავის საწმენდი საშუალებები და სხვა) და სპეციალური მოწყობილობების გამოყენებით. რეცხვის შემდეგ უნდა მოხდეს ავტომაქანის გაშრობა.
- 3.7 ქიმიურ წმენდაში შედის ავტომობილის საბარგულის, სალონის, ჭერის იატაკის, სავარძლების, ფეხსაგების, სავენტილაციო, გათბობისა და კონდიციონერის მილების წმენდა-დეზინფექცია, ინტერიერის სრულფასოვნად წმენდა.
- 3.8 ავტოტრანსპორტის ქიმიური წმენდა უნდა მოხდეს შესაბამისი აპარატით (ქიმიური ხსნარის შემფრქვევი და უკან გამოსატუმბი აპარატი), მტვერსასრუტით, მობილური საშრობით და ამისთვის გამოყენებული უნდა იქნას უმაღლესი ხარისხის და ჯანმრთელობისთვის უსაფრთხო სპეციალური ხსნარები.
- 3.9 ქიმიური წმენდის მომსახურება უნდა განხორციელდეს მხოლოდ შემსყიდველის უფლებამოსილი წარმომადგენლის მიერ მიმწოდებელზე გადაცემული დავალებიდან არაუგვიანეს 3 (სამი) კალენდარული დღის ვადაში.
- 3.10 ავტომაქანების რეცხვითი და ქიმიური წმენდის მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზიანის აღმოფხვრის ხარჯების ანაზღაურება ეკისრება მიმწოდებელს.
- 3.11 ავტოსამრეცხაოსთან მისასვლელი გზა უნდა იყოს კეთილმოწყობილი (მოასფალტებული ან სხვა შესაბამისი მასალით მოპირკეთებული).
- 3.12 მომსახურების გაწევის ადგილია ქ. თბილისი, კოსმონავტების სანაპირო N79.

4. გასაწევი მომსახურების ხარისხი

- 4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.2 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

5. ხელშეკრულების შესრულების კონტროლი (ინსპექტირება)

- 5.1 ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს ნებისმიერ ეტაპზე ახორციელებს შემსყიდველი.
- 5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ: ა(ა)იპ „სოფლის მეურნეობის პროექტების მართვის სააგენტო“-ს ლოგისტიკისა და შესყიდვების განყოფილების უფროსი ზურაბ პაპუაშვილი ან/და ამავე განყოფილების ტრანსპორტის მენეჯერი ნოდარ ქიტიაშვილი.
- 5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6. მომსახურების მიღება-ჩაბარების წესი

- 6.1 მომსახურების მიღება მოხდება თვის განმავლობაში მიმწოდებლის მიერ ფაქტიურად გაწეული ავტომაქანების რეცხვის/ქიმიური წმენდის მომსახურების შემდგომ წარმოდგენილი ბეჭდით დამოწმებული ტალონების შესაბამისად, მხარეთა შორის გაფორმებული მიღება-ჩაბარების აქტის საფუძველზე.
- 6.2 მიღება-ჩაბარების აქტის გაფორმება მოხდება ყოველთვიურად. შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-5 მუხლის 5.2 პუნქტში მითითებული პირები).
- 6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში სახელმწიფო ბიუჯეტის სახსრებით.

7.2 ანგარიშსწორება მოხდება თვის განმავლობაში მიმწოდებლის მიერ ფაქტიურად გაწეული ავტომანქანების რეცხვის/ქიმწმენდის მომსახურების შემდგომ წარმოდგენილი ბეჭდით დამოწმებული ტალონების შესაბამისად, მხარეთა შორის გაფორმებული მიღება-ჩაბარების აქტის საფუძველზე.

7.3 ანგარიშსწორება მოხდება ეტაპობრივად, მხარეთა შორის მიღება-ჩაბარების აქტის გაფორმებიდან არაუგვიანეს 10 სამუშაო დღეში.

7.4 წინასწარი ანგარიშსწორება არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისთვის, არაჯეროვნად ან/და ნაწილობრივ შესრულების შემთხვევაში გამოიყენება საჯარიმო სანქციები.

8.2 ხელშეკრულების პირობების შეუსრულებლობისთვის მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 20%-ის ოდენობით.

8.3 ხელშეკრულების პირობების არაჯეროვანი შესრულებისთვის (მათ შორის ავტომანქანების რეცხვითი და ქიმიური წმენდის მომსახურების გაწევის დაყოვნება შემსყიდველის თანამშრომლების მიერ ავტომანქანის მიყვანიდან და შესაბამისი ტალონის წარდგენიდან არაუგვიანეს 30 წუთის განმავლობაში) მიმწოდებელს ყოველ კონკრეტულ ფაქტზე ეკისრება პირგასამტეხლოს გადახდა ხელშეკრულების საერთო ღირებულების 0,5%-ის ოდენობით.

8.4 ხელშეკრულების ნაწილობრივ შესრულების შემთხვევაში, მიმწოდებელს ეკისრება პირგასამტეხლოს გადახდა შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

8.5 თუ შემსყიდველი არ ასრულებს წინამდებარე ხელშეკრულების 7.3 პუნქტის მოთხოვნებს, ეკისრება პირგასამტეხლოს გადახდა, მიმწოდებლის მიერ შესრულებული ვალდებულების მიხედვით ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

8.7 დარიცხული პირგასამტეხლოს გადახდა ხელშეკრულების მხარეების მიერ უნდა მოხდეს წერილობითი მოთხოვნის მიღებიდან არაუგვიანეს 20 (ოცი) კალენდარული დღის განმავლობაში.

8.8 იმ შემთხვევაში, თუ მიმწოდებელს არ აქვს გადახდილი დაკისრებული პირგასამტეხლო სრულად, შემსყიდველი არ მოახდენს წინამდებარე ხელშეკრულების 7.3 პუნქტით გათვალისწინებულ ანგარიშსწორებას.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 შემსყიდველი იტოვებს უფლებას ცალმხრივად შეწყვიტოს ხელშეკრულება, თუ ის შეწყვეტის შესახებ მიღებულ გადაწყვეტილებას არანაკლებ 5 (კალენდარული) დღით ადრე წერილობით შეატყობინებს მიმწოდებელს. შეტყობინებაში მიეთითება შეწყვეტის საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:

- ა) ხელშეკრულებით ნაკისრი ვალდებულებების ორჯერ ან მეტჯერ დარღვევის შემთხვევაში;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა, ემბარგოს დაწესება, ასიგნებების მკვეთრი შემცირება და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

11.2 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

12. უფლებების გადაცემა

12.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 ავტომატური ჩამონათვალი, ტალონების რაოდენობის და რეცხვის და ქიმიური წმენდის ჯერადობის შესახებ ინფორმაციის მიწოდება შემსყიდველის მხრიდან განხორციელდება მიმწოდებლის ელექტრონულ ფოსტაზე - მის: drgongadze@yahoo.com; რომელზეც გაგზავნილი შეტყობინება/დაკვეთა ითვლება ოფიციალურ დაკვეთად.

13.3 შეტყობინება შედის ძალაში ადრესატის მიერ მისი მიღების დღეს.

14. სადავო საკითხების გადაწყვეტა

14.1 ხელშეკრულების საფუძველზე წამოჭრილი დავები წყდება ურთიერთშეთანხმების გზით.

14.2 შეთანხმების მიუღწევლობის შემთხვევაში მხარეები მიმართავენ საქართველოს სასამართლოს.

15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3 მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.

15.4 ყველა ის საკითხი, რომელიც გათვალისწინებული არ არის ხელშეკრულებით რეგულირდება საქართველოს კანონმდებლობის შესაბამისად.

15.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16. მხარეთა რეკვიზიტები

შემსყიდველი

ა(ა)იპ „სოფლის მეურნეობის პროექტების მართვის სააგენტო“
ს/კ 404923785
მის: ქ. თბილისი, მარშალ გელოვანის 6
მიმღების ბანკი - სახელმწიფო ხაზინა
მიმღების დასახელება - ხაზინის ერთიანი ანგარიში
ბანკის კოდი - TRESGE22
მიმღების ანგარიში -
GE24NB0330100200165022

მიმწოდებელი

შპს „ვოშ-გრუპი“
ს/კ 405130031
მის: ქ. თბილისი, ი. გაგარინის ქN10,ბ.9
ს/ს „თბილისი ბანკი“
ბანკის კოდი: TBCBGE22
ა/ა N GE93TB7311736080100004

დირექტორის მოადგილე

_____ /ს. ბუკია/


დირექტორი

_____ /მ. ლონდაძე/


მომსახურების ხარჯთაღრიცხვა

პრეტენდენტის დასახელება საქართველოს ელექტროენერგეტიკული კომპანია

საქართველო

(ამ დოკუმენტი შედგება მომსახურების თანამართლების განცხადების, ტარიფების თუ საბარათო სისტემის გამოყენების)

N	დასახელება	სავარაუდო რაოდენობა (არაუმეტეს)	ერთეულის ღირებულება (ლარი)	საერთო ღირებულება (ლარი)	მომსახურების გაწევის ვადა
1	ჯიპის ტიპის ავტომატების (მათ შორის პიკაპი) რეცხვის მომსახურება	552	11	6072	2019 წლის 1 იანვრიდან 2019 წლის 31 დეკემბრის ჩათვლით, ეტაპობრივად, სატენდერო პირობების 1.2 პუნქტში განსაზღვრული მოთხოვნების შესაბამისად
2	ჯიპის ტიპის ავტომატების (მათ შორის პიკაპი) ქიმიური წმენდის მომსახურება	5	80	400	
3	სუდანის ტიპის ავტომატების რეცხვის მომსახურება	504	7	3528	
4	სუდანის ტიპის ავტომატების ქიმიური წმენდის მომსახურება	5	68	340	
სულ:				10340	

აუცილებელი პირობა: მოცემული რეცხვის/ქიმიური რაოდენობები წარმოადგენს შემსყიდველის საჭიროების საფუძველზე, შესაბამისად, შემსყიდველი არ არის ვალდებული ზემოაღნიშნული მომსახურების შესაძენად განხორციელების სრულად.



ხელმოწერა

ბ.ა.